

Komisija za pripremanje prijedloga za izbor saradnika u zvanje višeg asistenta za naučnu oblast „Arhitektonsko projektovanje“:

1. Prof. dr. Mladen Burazor, dia - Vanredni profesor na Arhitektonskom fakultetu Univerziteta u Sarajevu, oblast Arhitektonsko projektovanje, predsjednik komisije;
2. Prof. dr. Erdin Salihović, dia - Redovni profesor na Arhitektonskom fakultetu Univerziteta u Sarajevu, oblast Arhitektonsko projektovanje, član komisije;
3. V. prof. dr. Nermina Zagora, dia - Vanredni profesor na Arhitektonskom fakultetu Univerziteta u Sarajevu, oblast Arhitektonsko projektovanje, član komisije;

Sarajevo, 09.06.2025. godine

UNIVERZITET U SARAJEVU - ARHITEKTONSKI FAKULTET
VIJEĆE

- OVDJE

Web. stranica
VIJEĆE
09.06.2025.
[Signature]

Broj: 05-734/1-25
Datum: 09.06. 2025. god.

PREDMET: Izvještaj o prijavljenim kandidatima i prijedlog za izbor saradnika u zvanje višeg asistenta za naučnu oblast "Arhitektonsko projektovanje"

Odlukom Vijeća Univerziteta u Sarajevu - Arhitektonskog fakulteta broj: 04-01-690/2-25 od 03.06.2025. godine, imenovana je Komisija za sastavljanje Izvještaja o prijavljenim kandidatima i pripremanje prijedloga za izbor saradnika u zvanje višeg asistenta za naučnu oblast "Arhitektonsko projektovanje", 1 (jedan) izvršilac po konkursu raspisanom u dnevnom listu "Dnevni avaz" i na Web stranici Univerziteta u Sarajevu - Arhitektonskog fakulteta dana 12.05.2025. godine.

I. Odlukom Vijeća Fakulteta, imenovana je Komisija (koju čine nastavnici sa Katedre za arhitektonsko projektovanje) u sljedećem sastavu:

1. Prof. dr. Mladen Burazor, dia - Redovni profesor na Arhitektonskom fakultetu Univerziteta u Sarajevu, oblast Arhitektonsko projektovanje, predsjednik komisije;
2. Prof. dr. Erdin Salihović, dia - Redovni profesor na Arhitektonskom fakultetu Univerziteta u Sarajevu, oblast Arhitektonsko projektovanje, član komisije;
3. V. prof. dr. Nermina Zagora, dia - Vanredni profesor na Arhitektonskom fakultetu Univerziteta u Sarajevu, oblast Arhitektonsko projektovanje, član komisije;

II. Na raspisani konkurs prijavljen je sljedeći kandidat:

1. Sabira Muftić Damadžić, MA - dipl. inž. arh.

III. Pozivajući se na dopis br. 05-674/3-25 od 03.06.2025. godine (Dostavljanje Odluke Vijeća Arhitektonskog fakulteta i prijave kandidatkinje po objavljenom konkursu) zajedno sa prilogima, utvrđeno je sljedeće:

1. Da je Univerzitet u Sarajevu - Arhitektonski fakultet raspisao Konkurs za izbor akademskog osoblja: „Saradnik/saradnica u zvanje višeg asistenta/ice za naučnu oblast Arhitektonsko projektovanje“, 1 (jedan) izvršilac, na određeno vrijeme sa punim radnim vremenom na osnovu Prijedloga - Odluke Vijeća Univerziteta u Sarajevu - Arhitektonskog fakulteta broj: 04-01-453/2-25 od 15.04.2025. godine i Odluke Senata Univerziteta u Sarajevu broj: 01-6-4/25 od 30.04.2025. godine;
2. Da je konkurs objavljen u dnevnom listu „Dnevni avaz“ i na Web stranici Univerziteta u Sarajevu i Arhitektonskog fakulteta dana 12.05.2025. godine;
3. Da je rok za prijavu bio otvoren 15 (petnaest) dana od dana objavljivanja;
4. Da su uslovi za izbor akademskog osoblja, pored opštih uslova propisanih Zakonom o radu Federacije BiH, propisani čl. 112. stav 2 tačka b) Zakona o visokom obrazovanju Kantona Sarajevo ("Sl. novine Kantona Sarajevo", br. 36/22):
 - Završen drugi ciklus studija ili njegov ekvivalent s najmanje 300 ETCS, 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8;

5. Da je po navedenom konkursu u ostavljenom roku pristigla 1 (jedna) prijava kandidatkinje **Sabire Muftić Damadžić** koja je **potpuna i blagovremeno dostavljena**.

IV. Na osnovu prethodno navedenog, **razmatrana je prijava jedinog kandidatkinje** koji zadovoljava propozicije konkursa o čemu je sastavljen sljedeći:

IZVJEŠTAJ

Imajući u vidu opće zakonske uvjete utvrđene članom 112. stav 2 b) Zakona o visokom obrazovanju Kantona Sarajevo, te općim aktima organizacione jedinice na koju se biraju kandidati u zvanje višeg asistenta Komisija je detaljno pregledala podnesenu prijavu. Izvještaj sadrži osnovne biografske podatke o kandidatu i relevantne reference važne za procjenu kvaliteta kandidatkinje za mjesto višeg asistenta za naučnu oblast Arhitektonsko projektovanje.

I - PREGLED BIOGRAFSKIH PODATAKA

Kandidatkinja Sabira Muftić Damadžić, MA dipl.ing.arh. je dostavila prijavu sa kompletiranom dokumentacijom prema propozicijama konkursa koja podrazumijeva:

1. Izvod iz matične knjige rođenih / ovjerenu fotokopiju,
2. Uvjerenje o državljanstvu / ovjerenu fotokopiju,
3. Biografiju i bibliografiju (CV) / u štampanoj i elektronskoj formi na CD-u,
4. Odgovarajuću diplomu o završenom Arhitektonskom fakultetu, odnosno diplome o završenim ciklusima obrazovanja (prvi ciklus i drugi ciklus studija) / ovjerene fotokopije,
5. Uvjerenja o položenim ispitima iz prethodnog studija i pojedinačnim predmetima (dodatak diplome za prvi i za drugi ciklus studija) / ovjerena fotokopija
6. Ostale dokumente kojima se potvrđuje učešće na takmičenjima, programu cjeloživotnog učenja, poznavanju stranih jezika, učešću na konferencijama i sl. / ovjerene fotokopije,

Na osnovu dostavljenih dokumenata i informacijama sa kojima je Komisija raspolagala, pripremljen je sljedeći sažetak prema sljedećim kategorijama:

Datum i mjesto rođenja, prethodno obrazovanje i radni angažman:

- Sabira Muftić-Damadžić je rođena 24.06.1995. godine u Varešu, Bosna i Hercegovina.
- Osnovnu školu završava u Varešu, dok dalje obrazovanje nastavlja u Sarajevu – Gazi Husrev-begovu medresu završava kao odlična učenica, nakon čega upisuje Arhitektonski fakultet Univerziteta u Sarajevu 2014. godine. Stručno zvanje Bakalaureat/Bachelor inženjer arhitekture stiče 2017. godine a prosječna ocjena položenih ispita je bila 8.38. Iste godine upisuje master studij na istoimenom fakultetu, te 2021. godine stiče stručno zvanje Magistar arhitekture – diplomirani inženjer arhitekture sa odbranom završnog rada na temu „Regeneracija Vareša sa akcentom na Željezaru“ sa prosječnom ocjenom položenih ispita 9.39. U periodu master studija uključuje se u rad na nastavi kao demonstrator na predmetu Arhitektonske kompozicije 1 i 2 – Katedra za arhitektonsko projektovanje, te nakon sticanja diplome za iste predmete angažirana je i kao stručni saradnik.
- U zvanje asistenta na Arhitektonskom fakultetu Univerziteta u Sarajevu, izabrana je 2021. godine za katedru Arhitektonsko projektovanje i aktivno radi na predmetima Arhitektonske kompozicije 1 i 2, te Enterijeri i dizajn 1. Ubrzo zatim nastavlja školovanje i upisuje doktorski studij 2022 godine.

Radno iskustvo nakon izbora u zvanje asistenta (od 01.09.2021):

- Arhitektonski fakultet u Sarajevu od 01.09.2021 do danas: asistent na predmetima Arhitektonske kompozicije 1 i 2, Enterijeri i dizajn 1
- Arhitektonski fakultet u Sarajevu, zimski semestar akademske 2024/2025: asistent na predmetu Osnovi projektovanja 1.

Do prethodnog izbora u zvanje asistenta (do 01.09.2021):

- Arhitektonski fakultet u Sarajevu, mart 2021 – juni 2021. Stručni saradnik - pomoć pri radu praktičnih vježbi sa studentima;
- Arhitektonski fakultet u Sarajevu, oktobar 2020 — mart 2021. Demonstrator - pomoć pri radu praktičnih vježbi sa studentima na predmetima Arhitektonske kompozicije 1 i 2;

- Arhitektonski fakultet u Sarajevu, oktobar 2019 — juni 2020. Demonstrator - pomoć pri radu praktičnih vježbi sa studentima na predmetima Arhitektonske kompozicije 1 i 2;
- Arhitektonski fakultet u Sarajevu, oktobar 2018 — juni 2019. Demonstrator - pomoć pri radu praktičnih vježbi sa studentima na predmetima Arhitektonske kompozicije 1 i 2.

Projekti:

Nakon izbora u zvanje asistenta (od 01.09.2021):

- 2024. - Saradnik na izradi glavnog projekta enterijera studentskog HUB-a Mašinskog fakulteta u Sarajevu
- 2024. - Saradnik na izradi idejnog rješenja projekta rekonstrukcije atrija Mašinskog fakulteta u Sarajevu
- 2022. - Saradnik na izradi dokumentacije postojećeg stanja i rekonstrukcije vrtića Kolibri u Sarajevu

Do prethodnog izbora u zvanje asistenta (do 01.09.2021):

- 2020. - Urbanističko idejno rješenje uređenja odmarališta Zeleni Vir, Olovo / autor
- 2019. - Konkurs Bauhaus/ Novi trg i vidikovac u Sarajevskom naselju Ciglane / koautor
- DOCEXDOCE evropsko takmičenje za studente arhitekture / koautor (osvojena I nagrada publike i II nagrada komisije)
- 2018. - Urbanističko-arhitektonski konkurs za novi gradski centar u Zenici / koautor
- 2017. - Konkurs za izradu Micro House / koautor (porodična kuća za stanovanje do 40m2)

Angažman u Komisijama i radnim tijelima Fakulteta

- Član komisije za promociju i društvene mreže na Univerzitetu u Sarajevu - Arhitektonskom fakultetu. - 2024.
- Član fotografskog tima u sklopu organizacije ARCHIPRAXIS 2024.
- Član tima za promociju UNSA – Arhitektonskog fakulteta u okviru manifestacije „Noći istraživača“ oktobar 2024.
- Član komisije za pripremu prijedloga reforme Nastavnog plana i programa II ciklusa studija na Univerzitetu u Sarajevu - Arhitektonskom fakultetu. - 2024.
- Član radnog tima za izradu projekta i nadzor nad izvođenjem radova u sali „BURENCE“ – 2022.
- Član radnog tima za izradu ulazne sekvence sale „BURENCE“ – 2022.
- Član komisije za nastavu i studentska pitanja. - 2021.
- Član radnog tima za izradu dokumentacije postojećeg stanja i adaptacija toaleta na petom spratu Fakulteta - 2021. godine

Dodatne aktivnosti:

Nakon izbora u zvanje asistenta (od 01.09.2021):

- Sudjelovanje na TRAIN programu - drugi ciklus juni/juli 2023/24. akademska godina, te uspješno položeni završni ispiti sa bodovima 93.00 – ističe se.
- Angažman za izradu ilustracija – piktograma u okviru knjige „(A)typology index An overview of typical and atypical architectural concepts“ – Mladen Burazor i Markus Schwai, Sarajevo 2024.
- Izložba studentskih radova iz predmeta Arhitektonske kompozicije 2 – juni 2024. (pomoć u organizaciji izložbe i priprema brošure/kataloga izložbe)
- SFERA 2022. Sarajevo - prisustvo na konferenciji

Do prethodnog izbora u zvanje asistenta (do 01.09.2021):

- Radionica za urbanizam i projektovanje, mart 2018. - Tehnički fakultet Istanbul

Ostale kompetencije i vještine

Rad sa softverima:

- Autodesk AutoCad (poznavanje: odlično)
- SketchUp (poznavanje: odlično)
- Vray (poznavanje: dobro)
- Lumion (poznavanje: dobro)
- Adobe Photoshop CC (poznavanje: dobro)

Strani jezici:

- Engleski (B2 – slušanje i čitanje, govor i razumijevanje, pisanje)
- Turski (A1 – slušanje i čitanje, govor i razumijevanje, pisanje, Junus emre institut 2014. g)
- Njemački (pasivno poznavanje)

Ostale vještine:

- dobre komunikacijske vještine stečene tokom rada u nastavi;
- konstantno unaprijeđivanje znanja iz oblasti arhitekture i urbanizma;
- povremeno bavljenje tehnikama slikarstva, umjetnosti i arapske kaligrafije;

II –KVALIFIKACIJA KANDIDATKINJE

Detaljnim razmatranjem dostavljene dokumentacije, biografskih podataka, prepisa ocjena kandidatkinje, kriterija iz Zakona o visokom obrazovanju, Pravila Univerziteta i Pravilnika o unutrašnjoj organizaciji i sistematizaciji radnih mjesta na Univerzitetu u Sarajevu, **Komisija je ustanovila da kandidatkinja zadovoljava formalne uvjete** jer je završila drugi ciklus studija sa prosječnom ocjenom položenih ispita 9.39. Osim ispunjavanja formalnih uvjeta za prijem prema raspisu Konkursa, Komisija je posebno valorizirala nastavno-pedagošku aktivnost kandidatkinje u naučnoj oblasti arhitektonskog projektovanja.

Sumirajući radni angažman kandidatkinje Sabire Muftić Damadžić u proteklom izbornom periodu, može se zaključiti da je u zvanju asistentice iznimno aktivna u nekoliko bitnih segmenata, navedenih u ZVO čl. 112 (3), pa je potrebno apostrofirati njen doprinos u:

- kvaliteti realizacije nastave na obaveznim i izbornim predmetima Katedre za arhitektonsko projektovanje;
- entuzijastičnom radu sa studentima na vannastavnim aktivnostima;
- inoviranju, unapređenju i koordiniranju nastavnog procesa;
- angažmanu u radu različitih Komisija i stručnih tijela Fakulteta;
- radu na realizaciji aktivnosti vezanih za unapređenje infrastrukture institucije i razvojnim projektima.

Profesionalni napredak kandidatkinje Sabire Muftić Damadžić u periodu od posljednjeg izbora u zvanje asistenta je vidljiv kroz njen projektantski angažman u statusu suradnika pri Institutu za arhitekturu, urbanizam i prostorno planiranje. Osim redovnih zaduženja u nastavi na matičnim predmetima, kolegica Sabira Muftić Damadžić je u studijskoj 2024/2025 pomagala u radu na vježbama na predmetu u okviru Kabineta za osnove projektovanja. Kolegica je članica više radnih timova i fakultetskih komisija a posebno se ističe njen angažman u radu Komisije za nastavu i studentska pitanja i Komisiji za pripremu prijedloga reforme Nastavnog plana i programa II ciklusa studija što je rezultiralo, u prvoj fazi, ponovnim uvođenjem stručne prakse na Fakultetu (Pravilnik o stručnoj praksi sa pratećim aktima je u fazi usvajanja).

Tokom prethodnog angažmana u svojstvu asistenta na predmetima kabineta za Enterijere i dizajn i Arhitektonske kompozicije, kandidatkinja je iskazala sposobnost za prenošenja znanja, kolegijalnost i korektnost u komunikaciji sa nastavnim osobljem i studentima, te organizatorske sposobnosti i odgovornost u izvršavanju postavljenih zadataka. Ovo su samo neke u nizu od pozitivnih karakternih i ljudskih osobina kandidatkinje koje je Komisija posebno valorizirala. Sa zadovoljstvom, Vijeću Arhitektonskog fakulteta u Sarajevu se dostavlja

PRIJEDLOG

da se kandidatkinja Sabira Muftić Damadžić, MA-dipl. inž. arh. izabere u zvanje više asistentice za naučnu oblast „Arhitektonsko projektovanje“.

U Sarajevu, 09.06.2025. godine.

Komisija:

1. Prof. dr. Mladen Burazor, dia – predsjednik

2. Prof. dr. Erdin Salihović, dia – član

3. V. Prof. dr. Nermina Zagora, dia – član

